

Geoffrey Wever ta bandona partido RAIZ

Retiro como minister logico

FUERA di e noticia di detencion di Minister demisionario Glenbert Croes ayera mainta, den oranan di merdia e mundo politico a wordo sorprendi cu e noticia cu Minister demisionario Geoffrey Wever, a entrega su carta di retiro na lider di partido RAIZ.

Un decision cu tin algun luna caba pa “stobando” pero caminda sr Wever semper a descarta e posibilidad aki pero finalmente faltando algun dia pa partidonan entrega nan lista di candidatonan, e mandatario kende a logra un total di 1430 voto personal, a dicidi di bay pa un otro partido.

Un sla duro ta loke e lider di RAIZ, Ursell Arends no ta yama partido pero “plata-

forma politico” cu Geoffrey Wever no ta kere aden mas y el a dicidi di bandona e organizacion pero ainda no a dicidi di entrega su retiro como Minister di e Gabinete demisionario di Evelyn Wever Croes II.

Minister Wever ta ocupando e posicion di Minister como representante di RAIZ y contrario n’e situacion cu tin cu Parlamentarionan, e situacion di Geoffrey ta totalmente diferente.

E no tin derecho di ta Minister mas, ni como minister demisionario ya cu el a haya e posicion aki asigna pa partido RAIZ y nunca antes a tende cu un minister lo por ta “independiente” den un Gabinete y ta mas cu logico cu



Geoffrey siendo un persona cu tambe ta papia di gobernacion integro, awor ta su turno p’e entrega su retiro mescos cu Glenbert a haci ayera merdia.

DO MORE THAN JUST BANKING

We get you into the Hottest **Events**, Help you **Skip Lines**, **Pay Bills** Anytime, **Recharge** your Phone, **Fuel up 24/7**, Get You **Free Stuff**, and So Much More.

*Ps. We work with **ALL** Local Banks and Local Numbers.*



DOWNLOAD NOW



pay.aw